

**ZAPISNIK SA
X (PROŠIRENE) SJEDNICE UPRAVNOG ODBORA
UDRUŽENJA POSLODAVACA U FBiH**

koja je održana dana 29.02.2024. godine (četvrtak), sa početkom u 11:00 sati u Hotelu Bosnia, Kulovića 9, Sarajevo

Na sjednici su prisustvovali članovi Upravnog odbora: Adnan Smailbegović, Nihad Imširović, Mujo Hasić, Kemal Čolak, Enver Malagić, Ladislav Bevanda, Šejla Bojadžija, Nijaz Skenderagić, Nedžad Siočić, Damir Vidačak i Tomislav Majić.

Na sjednici su po ovlaštenju članova UO prisustvovali: Samir Alić (po ovlaštenju Snježane Koepruner), Rešad Behlulović (po ovlaštenju Rasima Memagića) Rijad Hasić (po ovlaštenju Adema Hanića), Ervin Pajić (po ovlaštenju Penava Jadranke).

Na sjednici nisu prisustvovali:, Behrija Huseinbegović, Džemal Hasković, Edin Ibrahimpašić, Tomislav Vrdoljak, Samir Mustafić i Edin Jabandžić koji su opravdali svoj izostanak.

Sastanku su pored članova Upravnog odbora prisustvovali predsjednici i članovi UO Grupacija poslodavaca KS, ZE-DO i SBK kao i Udruženja poslodavaca BPK. Također sastanku su prisustvovali i članovi delegacije ESV-a. Spisak učesnika je sastavni dio zapisnika .

Ispred UP FBiH sastanku su prisustvovali Mario Nenadić, direktor i Mersiha Jusić, sekretar.

Sjednicu je otvorio Adnan Smailbegović, predsjednik Upravnog odbora Udruženja poslodavaca i predložio sljedeći:

DNEVNI RED

1. Usvajanje zapisnika sa IX sjednice Upravnog odbora;
2. Zauzimanje stava UO UPFBiH po pitanju Inicijativa koje su pokrenuli sindikati za izmjene i dopune kolektivnih ugovora:
 - a) za djelatnost metalne industrije,
 - b) za djelatnost tekstilne industrije i industrije kože, gume i obuće,
 - c) za djelatnost prerade drveta i papira,
 - d) za djelatnost hemije i nemetala,
 - e) **za djelatnost građevinarstva i industrije građevinskog materijala,**
 - f) **za djelatnost cestovnog prometa;**
3. Usvajanje Odluka za održavanje 21. redovne Skupštine Udruženja poslodavaca u FBiH:
 - a) Odluka o utvrđivanju datumu i mjesta održavanja;
 - b) Odluka o utvrđivanju dnevnog reda Skupštine;

4. Formiranje Radne grupe za pripremu Zakona o minimalnoj plati u FBiH;
5. Tekuća pitanja;

Predloženi Dnevni red je jednoglasno usvojen.

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa IX sjednice UO

Obzirom da nije bilo primjedbi na zapisnik Predsjednik UO je dao Zapisnik na glasanje.

A.D. 1.1. Zapisnik sa IX sjednice Upravnog odbora je jednoglasno usvojen.

Tačka 2. Zauzimanje stava UO UPFBiH po pitanju Inicijativa koje su pokrenuli sindikati za izmjene i dopune kolektivnih ugovora:

- a) za djelatnost metalne industrije,
- b) za djelatnost tekstilne industrije i industrije kože, gume i obuće,
- c) za djelatnost prerade drveta i papira,
- d) za djelatnost hemije i nemetala,
- e) za djelatnost građevinarstva i industrije građevinskog materijala,
- f) za djelatnost cestovnog prometa;

Prisustni su se složili da se zajednički raspravljaju tačka 2a, b, c, d, e i f.

Predsjednik Smailbegović je upoznao prisutne da su Inicijative su pokrenute od strane industrijskih sindikata. Prva je pokrenuta od strane Sindikata metalaca u septembru 2023. godine a zadnja u februaru 2024.godine od strane Sindikata građevine i građevinskog materijala.

Ukupno smo zaprimili 6 inicijativa i to 5 za izmjene i dopune kolektivnih ugovora od sindikata za:

- a) za djelatnost metalne industrije,
- b) za djelatnost tekstilne industrije i industrije kože, gume i obuće,
- c) za djelatnost prerade drveta i papira,
- d) za djelatnost hemije i nemetala,
- e) za djelatnost građevinarstva i industrije građevinskog materijala,

i jednu inicijativu za djelatnost cestovnog prometa koja se ne odnosi na izmjene već samo produženje važenja kolektivnog ugovora na još jednu godinu.

Direktor je upoznao prisutne da je stručna služba nakon zaprimanja inicijativa iste dostavilo članstvu sa ciljem pribavljanja određenih prethodnih mišljenja i stavova. Također je upoznao prisutne da stručna služba nije zaprimili ni jedan pozitivan stav ni prijedlog za pristupanje kolektivnom pregovaranju.

Naprotiv dobili smo informacije da nisu sazreli uslovi za potpisivanje novih ugovora i pregovaranje o većim satnicama-platama. Članice su u svojim odgovorima navele da su neki od razloga da vlasti nisu uradile još uvijek ništa po osnovu fiskalnih i parafiskalnih opterećenja, ali posebno fiskalnih. Raste potrošnja u javnom sektoru, povećavaju se plate na svim nivoima. Sve su to nove obaveze za poslodavce. Sljedeće raste potrošnja u oblasti socijalne zaštite obaveze prema osobama sa invaliditetom i drugim socijalnim kategorijama, potpisuju se brojni novi kolektivni ugovori u javnom sektoru što također veže ruku i **limitira uvjete za pregovore u realnom sektoru.**

Razni dodatni nameti prema poslodavcima ne ostavljaju prostor za nova izdvajanja prema radnicima, a posebno je teška situacija u malim, srednjim preduzećima, obrtima i dr. U toku je period isplate jednokratne pomoći radnicima od strane poslodavaca a u skladu sa Odlukom vlade Federacije.

Direktor je također napomenuo da je zajedno sa sekretarom Udruženja obavio dva puta konsultacije i usmene razgovore sa predstavnicima sindikata iz realnog sektora, i tom prilikom su pojasnili sindikatima čitavu situaciju kojom prilikom su i sami predstavnici sindikata preuzeli obavezu da izvrše dodatni pritisak prema nadležnim vlastima za poboljšanje poslovnog ambijenta, fiskalne reforme i dr. čime bi se stvorili uslovi

Na kraju svog izlaganja direktor je napomenuo da je uz sve navedeno ono što smo do sada zaprimili kao komentare našeg članstva ne ostavlja nam mogućnost davanja pozitivnih preporuka za donošenje Odluke o početku pregovora.

Nakon uvodnih izlaganja predsjednik je otvorio raspravu.

U raspravi su učestvovali svi prisutni.

Safudin Čengiđ je predložio kada je u pitanju djelatnost saobraćaja da u razgovorima vezano za kolektivne ugovore da poslodavci predlože šta mogu ponuditi.

Predsjednik Adnan je istakao da je stav većine da se u ovom periodu maksimalno konzumira 400 KM da se čak i ugovorima definiše obaveza plaćanja mjesečne naknade npr. 100 KM i to je taj stav UPFBiH i rukovodstvo je u javnosti poszvalo poslodavce da što više isplaćuju pomoć.

Suad Ećo je istakao da kada je u pitanju drvna industrija da se maksimalno može ići na povećanje za 10% ali bez oporezivanja ovog dijela koji se odnosi na povećane. Odnosno da se povećanje plaće definiše kroz ispalatu pomoći.

Aida Fojnica, Krupa Kabine d.d. je istakla da svaka kompanija u BiH nema mogućnost da poveća plate, te predlaže da se plate povećavaju u skladu sa mogućnostima, ali da to ne bude obaveza kroz kolektivni ugovor. Trenutno bez smanjenja poreza i doprinosa smatra da će svako povećanje biti štetno za poslodavce.

Nihad Imširević je istakao da je pitanje koliko koja kompanija može povećati plaće. To je definitivno nemoguće. Ukoliko se krene sa povećanjem doći do smanjenja broja zaposlenih.

Šejla Bojadžija je istakla da smatra da sve do 30.06. svaka kompanija će odlučiti koliko će pomoći radniku i da li će doći do isplate. Također je istakla da je njena procjena da u Goraždu privatnici neće biti u prilici njih 80% da isplate novčanu pomoć. Vidimo šta je u RS-u posljedica povećanja plaća, jako veliki broj radnika je ostao bez posla. Predložila je da bi zvanični stav UPFBiH trebao biti da bez promjene zakona iz oblasti fisklane politike ne bi trebalo doći do povećanja minimalne plate.

Zoran Gazbarić je istakao da u trenutnim uslovima ne postoji osnov za povećanje minimalne plaće.

Ladislav Bevanda istakao da se djelatnost građevinarstva nalazi u posebnom problemu. Ne možemo promijeniti uglavnom ništa, cijene su fiksne i mi ne možemo priuštiti povećanje cijena. Tako da u svakom sučaju svako povećanje plaća dovodi do nesagledivih troškova poslodavaca. Poseban problem je nedostatak radne snage, u građevini već odavno niko ne priča o povećanju minimalnih plata. Mi ne možemo da nađemo čovjeka za 2000 EUR-a. nemam nikakvo rješenje. Kako mi dijelimo radnu snagu.

Kemal Čolak je istakao da se radna snaga prelijeva u FBiH. Na kantonu SBK neke firme su potpuno prestale da rade. Smatra da bi pored svega što je predsjednik Adnan rekao UPFBiH bi trebalo da intenzivira aktivnost i da traži i vidi hoće li se riješiti aktivnosti vezano za smanjenje doprinosa.

Alma Zaimović je također mišljenja kao većina da u ovom momentu nema mogućnosti za povećanje minimalne plaće.

Predsjednik Adnan Smilbegović je predložio i dao na glasanje usvajanje zaključka da se prema sindikatu ide sa odgovorom da se nastavi primjena potpisanih kolektivnih ugovora koji su na snazi sve do 01.07.2024. godine kada ćemo imati informaciju šta će biti sa donošenjem Zakona o porezu na dohodak i Zakona o doprinosima.

Nakon veoma otvorene diskusije jednoglasno je donesen sljedeći ZAKLJUČAK:

A.d. 2.1. Ne postoje uslovi za otvaranje pregovora za izmjene i dopune kolektivnih ugovora iz svih djelatnosti, te se zaključuje, da će se sa svim daljnim aktivnostima vezano za pokretanje pregovora, sačekati do 01.07.2024. godine za kada su najavljene određene fiskalne reforme u FBiH.

Ovo je također rok do kada bi nadležne vlasti trebale objaviti svoj stav - eventualno produženje i donošenje nove odluke vezano za jednokratnu pomoć u skladu sa Odlukom Vlade, kao što je to bio slučaj sa Uredbom Vlade Federacije BiH („Službene novine Federacije BiH“, br. 96/23).

A.d. 2.2. Poslodavci će i dalje nastaviti primjenjivati potpisane kolektivne ugovore is svih djelatnosti koje su na snazi.

A.d.2.3. Pozivaju se svi poslodavci, da u skladu sa svojim mogućnostima, iskoriste Uredbu Vlade FBiH o isplati neoporezivog iznosa pomoći radnicima, u roku važenja Uredbe, jer je to u ovom trenutku najpovoljnije za sve strane.

A.d. 2.4. UPFBiH će i dalje u saradnji sa sindikatima iz realnog sektora zahtjevati od nadležnih Vlasti da se što prije usvoje fiskalni propisi, čime bi se između ostlog poboljšali uslovi za povećanje plata- primanja radnika u realnom sektoru.

A.d. 2.5. Predstavnici poslodavaca i sindikata će nastaviti usku saradnju sa predstavnicima Vlade FBiH sa ciljem usklađivanja zajedničkih interesa i mogućnosti vezano za unaprjeđenje položaja radnika u realnom sektoru u FBiH.

A.d.2.6. Ovaj Zaključak će se dostaviti svim sindikatima iz realnog sektora koji su uputili Inicijative za izmjene i dopune kolektivnih ugovora.

Ovo je prema našem mišljenju jedini mogući model za sve grane, jer u suprotnom samo bi poslodavci bili dovedeni u još teži položaj i pod novi pritisak i opterećenje u poslovanju bez ikakvih garancija da će se konačno riješiti pitanje rasterećenja poslovanja, a vlasti bi i dalje bile oslobođene od odgovornosti zbog ne poduzimanja reformi i sve težih uvjeta poslovanja poslodavaca.

Tačka 3. Usvajanje Odluka za održavanje 21. redovne Skupštine Udruženja poslodavaca u FBiH:

a) Odluka o utvrđivanju datumu i mjesta održavanja;

b) Odluka o utvrđivanju dnevnog reda Skupštine;

Uvodne napomene dao je gosp. Adnan Smailbegović, predsjednik Udruženja koji je tom prilikom naglasio da je potrebno donijeti Odluku o narednoj Skupštini uz utvrđivanje datuma, mjesta i dnevnog reda.

Prijedlog za datum je 16.04.2024. Dnevni red za redovnu Skupštinu obzirom da je redovna. Vezano za mjesto prijedlog je da se ovlasti predsjednik da u sardnji sa direktorom odredi mjesto održavanja Skupštine.

Nakon rasprave donesen je sljedeći zaključak:

A.d. 3.1. Uo je jednoglasno donio Odluku kojom se utvrđuje da će se XXI redovna Skupština Udruženja poslodavaca u FBiH održati dana 16.04.2024. godine (utorak) sa početkom u 12:00 sati.

A.d. 3.2. Ovlašćuje se Predsjednik UO da u saradnji sa direktorom Udruženja poslodavaca u FBiH odredi mjesto održavanja Skupštine.

A.d. 3.3. Za Skupštinu se utvrđuje prijedlog sljedećeg Dnevnog reda:

Radni dio

- 1. Izbor verifikacione komisije, zapisničara i ovjerivača zapisnika;**
- 2. Razmatranje i usvajanje zapisnika sa XX redovne Skupštine UP FBiH;**
- 3. Razmatranje i usvajanje;**
 - a) Prijedloga Izvještaja o radu UP FBiH za 2023. godinu (izvjestilac: Adnan Smailbegović, predsjednik UO);**
 - b) Prijedloga Finansijskog izvještaja UPFBiH za 2023. godinu, (izvjestilac: direktor UP FBiH);**
 - c) Prijedloga Plana rada UP FBiH za 2024. godinu, (izvjestilac Adnan Smailbegović, predsjednik UO);**
 - d) Prijedloga Finansijskog plana UPFBiH za 2024. godinu, (izvjestilac: direktor UP FBiH);**
- 4. Tekuća pitanja**

Tematski dio:

Fiskalne i parafisklane reforme, Zakon o minimalnoj plati – tekuće i prioritetne aktivnosti

A.d. 3.4. Prije Održavanja XXI Redovne Skupštine održat će se sjednica UO na kojoj će biti potvrđen dnevni red i prijedlozi materijala za Skupštinu uz eventualne dopune.

Tačka 4. Formiranje Radne grupe za pripremu Zakona o minimalnoj plati u FBiH;

Predsjednik je upoznao prisutne da je u cilju pripreme za dalje aktivnosti vezano za donošenje Zakona o minimalnoj plati potrebno formirati radnu grupu za pripremu Zakona o minimalnoj plati.

Predsjednik je predložio da UO ovlasti predsjednika da u konsultacijama sa direktorom Udruženja formiraju radnu grupu.

Nakon diskusije donesen je sljedeći zaključak:

A.d. 4.1. UO je jednoglasno donio Odluku kojom se ovlašćuje predsjednik da u konsulatcijama sa direktorom Udruženja formiraju radnu grupu.

Tačka 5. Tekuća pitanja;

a) Pod tekućim pitanjima predsjednik Adnan Smailbegović je informisao članove UO o sastanku delegacije UPFBiH sa premijerom i njegovim zamjenicima. Tom prilikom je informisao članove da su u ime Vlade FBiH sastanku prisustvovali premijer Nermin Nikšić, dopremijer i ministar finansija Toni Kraljević, dopremijer i ministar razvoja, poduzetništva i obrta Vojin Mijatović, ministar pravde Vedran Škobić i ministar energije, rudarstva i industrije Vedran Lakić. U delegaciji Udruženja poslodavaca u FBiH prisustvovali su predsjednik UPFBiH Adnan Smailbegović, direktor Mario Nenadić i članovi Upravnog odbora UPFBiH Safudin Čengiđ, Adem Hanić, Ladislav Bevanda i Rasim Memagić. Teme o kojima se raspravljalo su:

- Fiskalne i parafiskalne reforme;
- Reforme i propisi iz resora rada i zapošljavanja u FBiH;
- Liberalizacija uvoza radne snage u BiH;
- Uspostavljanje i rad Ekonomsko-socijalnog vijeća;
- Cijena i druga pitanja u vezi isporuke električne energije za privredu I pitanje priprema FBiH/BiH za primjenu Evropskih mehanizama za graničnu prilagodbu ugljika (CBAM) - naknada/tarifa za emitirani ugljenik u proizvodnji grupa proizvoda s visokim udjelom ugljika (željezo i čelik, cement, gnojiva, aluminij, električna energija i vodik), plaćanje prilikom uvoza u EU od 2026. Godine;
- Reforme zdravstvenog osiguranja/Zdravstvo za sve te
- Izmjene krivičnog zakona FBiH - odgovornost odgovorne i službene osobe u privrednom društvu;

Također predsjednik je obavijestio prisustne da je stručna služba pripremila Zakone i izmjene Zakona iz navedenih oblasti i dostavila dopremijeru Vojinu Mijatoviću.

b) Predsjednik Skupštine Boris Kamšigovski je ponovno aktuelizirao pitanje ukidanje obavezne članarine u Vanjsko trgovinskoj komori. Prema Zakonu o vanjsko trgovinskoj komori članovi VTK su sva preduzeća registrirana na teritoriju BiH. Članom se postaje momentom registracijom na sudu. Ove godine za kompaniju HP Pošte je došla godišnja faktura od 20.000 KM. Predlaže da se pokrene inicijativa za ukidanje članarine u VTK.

Nakon diskusije donesen je sljedeći zaključak:

A.d. 5.1. Upravni odbor je jednoglasno donio Odluku kojom se zadužuje stručna služba da analizira problematiku i komunicira sa Vanjsko trgovinskom komorom.

Sjednica je završena u 12:30 sati.



UDRUŽENJE
POSLODAVACA

www.upfbih.ba

Zapisnik sačinila: Mersiha Jusić

PREDSJEDNIK UPRAVNOG ODBORA

Adnan Smailbegović

Udruženje poslodavaca u Federaciji BiH

Mula Mustafe Bašeskije 12/3, 71000 Sarajevo - Bosna i Hercegovina

Tel: +387 33 264 830 / Tel/fax: +387 33 552 461 / info@upfbih.ba